

Esther Emerencia-Gomes nombra como director nobo di Post Aruba N.V.

Ayera mainta na edificio di Post Aruba N.V. a tuma lugar e anuncio di e director nobo di e compania estatal Post Aruba N.V., Sra. Esther Emerencia-Gomes. Hunto cu minister di Finanzas, Economia y Sector Primario, Geoffrey Wever y presidente di Raad van Commissarissen Antonio Carlo, Sra. Emerencia-Gomes a firma e acuerdo laboral como director nobo di Post Aruba.



“Mi ta sumamente contento cu nos a yega na e momento aki. Despues di un trayecto largo, nos a yega na e conclusion cu Esther Gomes ta e miho persona pa guia Post Aruba NV den e añanan binidero,” minister Wever a expresa.

E mandatario a elogia e director nobo indicando cu Sra. Emerencia-Gomes a demostra den su funcion anterior di tabata un manager legal cu a cumpli cu tur e tareanan cu a ser rekeri di dje y esey mes, el a remarca. “Nos a wak Esther perform, nos a wak su determinacion, su profesionalismo y mi ta sinti di berdaderamente hopi contento y hopi orguyoso di bisa cu esaki ta nos director nobo di Post. Un persona hoben, un ser femenino cu a demostra cu e por,” el a enfatisa.

Na mesun momento minister Wever a pidi tur empleado pa duna Sra. Emerencia-Gomes espacio y confiansa pa e por guia e compania den e añanan binidero y a resalta cu e tin tur bon interes di cada empleado y di e empresa, y sigura cu Gobierno di Aruba tin pleno confiansa den e capacidatnan di e director nobo.

“Danki na Esther pa acepta e reto aki pasobra empresa Post mester di cambio, mester

inversion, mester direccion nobo, mester un vision nobo y pa Esther tuma e responsabilidad aki ta un muestra cu e tin pasion pa Post, e tin e interes di cada un na su pecho y e ta bay traha incansablemente pa guia Post den e proximo fase,” minister Wever a subraya.

Presidente di Raad van Commissarissen, Antonio Carlo, a splica cu e hunta a sigui e procedura adecua pa loka e seleccion di e director nobo. El a indica cu nan formula un profile di e funcion y a sigui un procedura di solicitacion interno pa cu esaki y despues di a sigui e procedura completo a eligi Sra. Emerencia-Gomes como e candidato ideal pa e funcion.

“Esther ta un persona cu ta enfoca riba relacion dipersonal, e ta un persona cu ta semper cla pa yuda, su conocimiento di ley ta importante pa e retonan di Post Aruba. E ta poseer calidad di unificador y ta mantene bon relacion cu stakeholders di Post manera sindicato, minister, empleado, cliente y muy en particular cu miembronan di management team,” Carlo a indica.

El a remarca cu Sra. Emerencia-Gomes no ta un hefe di trabou cu kier haci tur cos su so, pero ta un hefe di trabou

cu por delega trabou, duna estimulacion y duna direccion unda ta necesario.

El a enfatisa cu Sra. Emerencia-Gomes a hunga un papel importante den formulacion di e transformatieplan di Post Aruba N.V. y a tuma responsabilidad pa e transformacion tan necesario di Post Aruba.

Por ultimo, Carlo a indica cu e siguiente pasonan ta bay ehecutacion di e transformatieplan y finalisacion di cuentanan anual di Post Aruba N.V.

Sra. Emerencia-Gomes a expresa cu pa su persona e ta un honor pa por acepta e funcion di director di e compania estatal. El a subraya cu e ta completamente consciente di e desafionan cu tin, pero na mesun momento el a sigura cu su curason ta yena cu gratitud pa e confiansa deposita den su persona.

“Mi ta tuma esaki cu hopi seriedad y mi sa cu reconocimiento ta bin cu responsabilidad y mi ta tuma e responsabilidadnan ey riba mi persona pa lidera locual ta e famia postal aki. Siete aña pasa ora cu mi a pasa door di e portanan di Post, mi no a imagina cu e caminda lo a yega akinan. Mi a conoce cada un di mi coleganan y mi ta aprecia y balora cada un di boso. Mi ta agradecido na e manage-



ment team cu a sa di pasa den e temporada di transicion di liderazgo aki hunto cu mi, y specialmente na Romonsito Croes cu ta mi co-piloto. Sin boso sosten e momento aki no lo por tabata posibel,” el a indica.

Sra. Emerencia-Gomes a remarca cu e trabou ta n reto y cu e ta completamente prepara pa asumi esaki. “Mi kier bisa cada persona como miembro di e famia di Post Aruba N.V. mi persona hunto cu e team di managers por forma un vision y un mision, nos por bin cu hopi plan pero nos ta depende di cada un di boso prestacion pa nos por realisa pasobra solamente hunto nos lo sa di tin exito,” el a agrega.

Na mesun momento el a menciona cu recientemente Post Aruba N.V. a firma un CAO historico despues di

hopi aña creando asina un perspectiva nobo pa cada un empleado di Post Aruba N.V.

“Mi ta sumamente orguyoso di e trabou cu nos a sa di eherce y mi ta sigur di locual cu ta nos dilanti, e plannan cu nos lo sa di ehecuta cu determinacion y confiansa cu e rumbo cu nos ta bay aden ta uno cu lo hiba nos door di un proceso di sanidad...Unda cu tin herida ta un proceso doloroso tin biaha pa por sana esaki, pero nos sa cu e ta uno necesario. Y cu e confiansa cu a pesar tin biaha e por haci dolor, nos sa y nos ta pone nos dilanti cu e meta final ta e sanidad. Mi ta spera cu mi por conta cu cada un di boso sosten pa asina ey garantisar e exito y e futuro di Post pa cada un di nos,” Emerencia-Gomes enfatisa.

2 turista a haya problema den lama y un di nan a fayece

Alrededor di 6or di atardi a drenta informe cu tin un turista cu problema den lama, den e caso aki Arashi.

Na momento cu polis a yega na e sitio y a haya mas informacion, a tuma accion inmediatamente y polis a drenta lama. Cu ayudo di un “rubberboot”, a logra trece e prome turista na canto di lama. A cuminsa cu reanimacion y asina cu ambulance a yega nan a tuma esaki over,



sinembargo ya no por a haci nada mas y Dr. Voskuil a constata e morto di e turista, ken a fayece cu 53 aña.

Despues di esaki a informa

polis cu tin otro turista den lama cu tambe ta den problema, y cu ayudo di e mesun rubberboot a bay busk’e y trece canto di lama. Ambulance a sigui cu e trabao di



reanimacion, y e biaha aki si a haya un pulso.

Ambulance a transporta e turista pa hospital cu maximo

Bon Dia Aruba ta manda palabra di condolencia na sernan keri di e fayecido.